

Esarà la leture seniche 'Celso', programade par usgnot vinaris ai 10 di Avrîl, a lis 8 e 45 sore sere, in te suaze de Fieste pe Patrie dal Friûl, a vierzi, in tal Centri sociâl di Flaiban (in vie Vittorio Veneto, daûr de glesie) lis manifestazions in ricuart dal poete flaibanês **Celso Cescutti**.

Chestis manifestazions, inmaneadis di un comitat metût sù di pueste dal Comun e de Pro loco di Flaiban, si sprolungjaran fintremai il mêis di Jugn da l'an cu ven, in ocasion dai 50 agns de sò muart. Ae organizazion a an dade une man la Bancje di Credit cooperatîf dal Friûl Centrâl e la Provincie di Udin.

La leture seniche e je stade tirade fûr de tesi di laurie di cui che al scrîf culi, dal Teatri Incert di Gridiscje di Sedean (**Fabiano Fantini, Claudio Moretti e Elvio Scruzzi**) che le presenterà insiem al grop musicâl feminîl Euterpe, ancje chel di Grediscje di Sedean e cul jutori dai atôrs de compagnie Picje e Dispicje di Flaiban. In sumis, un spettacul teatrâl e musicâl che al traversarà la vite, a voltis aventurese, di Celso Cescutti e lis sôs oparis leterariis.

Il poete flaibanês, artist ecletic, studiôs di svariadis disciplinis, naturalist e esoteric, viazadôr e naratôr, al nassè a Flaiban ai 6 di Mai dal 1877 e al murì inta chês sôs stesse cjase ai 13 di Jugn dal 1966.

Al jere di famee siore e cussì al podè diplomâsi gjeometre e vivi di abenât, dedicantsi a lis ativitâts che di plui i plasevin. Al esprimè la sò art poetiche in lenghe furlane intai agns di zoventût. Intal 1911 al publicà il librut 'Primevere'.

POESIIS PAR DUTIS LIS STAGJONS

Secjade la vene poetiche cu la Prime vuere mondiâl, intai

Inmaneadis a Flaiban lis manifestazions par fevelâ di Celso Cescutti, artist ecletic e studiôs di svariadis disciplinis. » DI FLAVIO VIDONI



Celso Cescutti

In ricuart dal poete flaibanês

agns de maturitât al si limità a dâ dongje dutis lis poesiis che al veve scrit e a ordenâlis secont un criteri 'stagjonâl' par publicâlis in altris trê libruits: 'Roses di pradarie', che si inspire al Istât, intal 1921; 'Inzaldis d'autun lis fueis a colin' intal 1926 e 'Nêv e fantasiis. Realtât e Puisiis' intal 1929. Apassionât di musiche e di cjant, al componè i tescj di un grant numar di vilotis, romanzis, serenadis, imnis.

Il 'Projet Cescutti 2016', in pro-

gram il mêis di Jugn dal an cu ven, al proviôt par prionte une gnove publicazion dai cuatri volums di poesiis, la repliche dal spettacul 'Celso' cheste volte a biele stele tal curtîl de cjase Cescutti, une mostre di manuscrits e di svariadis voris di inzen di 'siôr Celso'. Par so cont, la Amministrazion comunâl di Flaiban e intint intitulâ a Cescutti la plaçute che va de sò cjase viers la glesie dal paîs.



ilfriuli@ilfriuli.it

ARLEF

Radio Onde Furlane e trasmet Radiofrute

Ai 10 di Avrîl, l'etar regionâl Asi insiore di 'Radiofrute', un gnûf apontament radiofonic istituzionâl.

Une trasmission pai fruts e i lôr gjenitôrs, un spazi di storiis in lenghe furlane, sostignude e promovude de Arlef. Conduzude di **Michele Polo**, si podarà scoltâ ogni vinaris e sabide (fin ai 20 di Jugn), aes 14, su lis frecuencis di Radio Onde Furlane, ancje in direte streaming www.ondefurlane.eu e sul telefonut in gracie de gnove app.

"Nus interessave doprâ la radio par valorizâ la lenghe furlane fevelade dai fruts, tant che strument di cognossince dal mont - al marche il president de Arlef, **Lorenzo Fabbro** -. Cun di plui, o volin promovî i vantaçs dal bilinguism". La trasmission si svilupe in trê parts principâls leadis une a chês altre e compagnadis des vôs dai fruts bi e plurilengâi. Al è pussibil partecipâ ae trasmission o ancje jessi intervistâts! Baste mandâ une email a: radiofrute@ondefurlane.eu o un sms o WhatsApp al **3701359469**.

SCOLTADIS DI DRIUS

Penultime peraule

Se tune famee si barufe el paron di cjase al varès el dirit di vê l'ultime peraule. Jo o scuén contentami de penultime.



SMS: 393 00 90700
diretta@radiofantasy.it
TEL. +39 0431 30022

UDINE VENETO ORIENTALE	FM 90.700	GORIZIA	FM 89.100
PORDENONE	FM 95.800	TRIESTE	FM 89.100
		PAULARO	FM 107.700
		TOLMEZZO	FM 101.600

www.radiofantasy.it